

Die Traditionen des Hochstifts Freising (Ed. Bitterauf), Nr. 477

Dum et omnibus non habetur incognitum, sed multis est in episcopo beatissime virginis Mariae bene notum, qualiter viri venerabiles Oadalpald presbiter et Minigo presbiter in illorum hereditate in loco Ecchinaha uterque suam construit ecclesiam et propter familiarem fraternitatem quam cum Attone fidele episcopo semper habuerunt cum licentia Sindberti episcopi Attonem episcopum conduxerunt, ut ipse illorum consecrasset ecclesias. Ita et actum est cum consensu illorum, episcopi et omnium convicinarum in eodem loco bonorum virorum ibidem conmanentium. Ita convenit omnes, ut uno die ambas illas consecrasset ecclesias. Ipsique iam dicti viri deo devoti Oadalpald presbiter et Minigo presbiter devota voluntate eodem die utrasque illas ecclesias domui sanctae Mariae in manus Attonis episcopi firmiter condonaverunt et tradiderunt in praesentia omnium tam ecclesiasticorum quam saecularium immensa multitudo ad dedicationem harum ecclesiarum convenientium. Ibique coram cunctis utraque ecclesia domui sanctae Mariae firmiter tradita et condonata omnibus in hac provincia notum esse dinoscitur. Nunc vero senescente Minigone presbitero veniens ad virum venerabilem Hittonem episcopum in publico synodo ad Frigisinga renovare et confirmare olim actam traditionem suam quem pius pontifex blande suscepit et omnia quod ipse suggessit libenter accepit. Suppliciter enim domnum episcopum coram cuncta congregatione synodali petiit, ut nepoti suo vocabulo nomen dato Minigo in beneficium ipsam ecclesiam de manu dei sacerdotis accipere ad suam vitam in servitio praedicti episcopi meruisset cum tale censu quale domno episcopo et omnibus bene suis placuisset. Et sic valde confirmatum est inter eos ita, ut nullus hoc contradicere vel evertere valeat, sed firmam habeat stabilitatem in perpetuum. In his sermonibus confirmatis ipse Minigo presbiter in praesenti synodali congregatione accessit ad altare sanctae Marie ipsam ecclesiam cum omnibus ad eam pertinentibus reddidit pariterque et tradidit; nihil enim pretermisit, sed cum omni integritate tradidit et domum sanctae Mariae vestivit. Haec sunt testes per aures tracti: Hrodolt. Heriperht. Kerhart. Memmo. Uuichart. Reginhoh. Uuigant. Crimuni. Hiltiprant. Cozolt. Actum est haec in XVI. kal. octob. anno gloriosi Hluduuuici imperatoris VIII, indictione XIII. Ego Tagibertus indignus presbiter scripsi iussione domni Hittonis episcopi.